



Tɩ raoa n sok Nabiyaamã (Wënd puusg la A tɩlgr be a yĩnga) dũni wã yikr yelle, n yeele: dũni yikr yaa rabure? T'a yeele: «La yaa bõe la fo seglg dũni yikr yĩngã?»

Yii a Anas nengẽ, (Wënd yard be a yĩnga): Tɩ raoa n sok Nabiyaamã (Wënd puusg la A tɩlgr be a yĩnga) dũni wã yikr yelle, n yeele: dũni yikr yaa rabure? T'a yeele: «La yaa bõe la fo seglg dũni yikr yĩngã?» La a yeel yã: baa fu, sã n ka mam sën nong Wënd la A Tën-tuumã (Wënd puusg la A tɩlgr be a yĩnga). Tɩ Nabiyaamã yeele: «Ad fo bee ne neb nins fo sën nongã». A Anas yeelame: Tõnd ka kɩdem ne bũmbu, wala tõnd sën kɩdem ne Nabiyaamã (Wënd puusg la A tɩlgr be a yĩnga) koεεgã a sën yeele: «Ad fo bee ne neb nins fo sën nongã». A Anas yeelame, rënd mam nonga Nabiyaamã (Wënd puusg la A tɩlgr be a yĩnga), la a Abuu Bakr la a 'Umar, la m tēedame tɩ m na lagem-ba, mam sën nong-ba yĩnga, baa tɩ mam sã n ka maan b tuumã buudu.

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Weoogẽ ned n sok Nabiyaamã (Wënd puusg la A tɩlgr be a yĩnga), sën yaa neb nins sën vɩ weoogẽ wã: dũni wã yikr wakat yelle? Tɩ Nabiyaamã (Wënd puusg la A tɩlgr be a yĩnga) yeel-a: la bõe tuum sõng la fo segl a yĩnga? Tɩ sokda yeele: ad mam ka segl tuum bedr a yĩng ye, la ad mam nonga Wënd la A Tën-tuumã, la a ka togs zëng sën ka rë ye, sën yaa sũurã tũud-rãmb la yĩngã tũudum la arzek tũudum; a sën ka togs rë wã, yaa t'a fãa gillã yaa nonglemã wila sën tũnugd-a wã, sën paasde yaa tɩ nonglem sën yaa a sɩdã, a kɩtɩdame tɩ ned nidg pãng ne tuum sõngo. Tɩ (Wënd puusg la A tɩlgr be a yĩnga) yeel-a: ad fo bee ne ned ning fo sën nong-a wã arzãnã pugẽ. Tɩ Nabiyaamã Şahaabsã (Wënd puusg la A tɩlgr be a yĩnga) sũyã yɩ noog ne sũ-no-kãngã koεεga, sũ-noogr tekẽ. Rë poorẽ t'a Anas (Wënd yard be a yĩnga) kō kibare, tɩ yẽ nonga Nabiyaamã (Wënd puusg la A tɩlgr be a yĩnga) la a Abuu Bakr la a 'Umar, la a tēedame n rat n lagem-ba baa tɩ yẽ tuumã sã n ka ta b tuumã.

<https://sunnah.global/hadeeth/mos/show/3087>

